



Vita de ploania y de paisc

- **Festa da Nadé: scolari y maestri** envieia der bel a na festa da nadé con teatri, ciances y rimes **en San Stefo ai 26 de dezember** ales 15:00 te Ciasa dles Uniuns.
- **20 C + M + B 19:** i lasciun alessi che en **jöbia ai 3 de iener** jará i **Trei Resc** fora por nostes ciases por porté la Bona Noela da Nadé y a damané do ofertes por aziuns de solidarité, eniann dandadöt por daidé finazié proiec soziai tla Palestina. I Ves enviun entant da ti ciaré al film de prejentaziun dl'aziun **“Aiüt sot a na bona stera”**, en San Stefo ales 20:20 sön Rai Südtirol (todesch) y **ales 20:50 sön Rai Ladinia**. En San Salvester él ince da odei ales 18:00 le film por mituns.
- **Batadú:** le Consei de Formaziun d'La Pli envieia düc der bel al tradicional batadú en Santabogna, **ai 6 de iener**, ales 14:30 (do espi) jö Sotru.



enformaziuns y termins

Assistent/a pastoral/a: l'Unité Pastoral Val Badia chir na porsona co toless sö l'enciaria da assistent/a pastoral/a tles condiziuns preodüdes dala diozeja. Porsones co á n stüde teologich y ess enteres é periades da contaté signor degan, ☎ 347 9094532 o email: parrocchiabadia@libero.it

Comun de Mareo: al ven lascé alessi che

- en Veia de Nadé romagn i ufizi de Comun slüc
- en Nadé y en Nanü vegnel fat le vorvisc de recoüda dal ciomont
- en San Stefo romagn le zenter de reziclaje Ciamaor slüt.

Conzert da Nadé: en San Stefo vegnel tigní ales 20:00 te dlijia d'La Val, n conzert de Nadé con Musiga da La Val, Cuintet de stromonc a fle, Soatnmusig, Alphornbläser. Düc é enviés.

Sorvisc ai Jogn: al ven lascé alessi che l'ufize dal SaJ y i locai dai jogn sará slüc dai 24 de dezember cina ai 4 de iener. Le Zenter dla Joneza restará davert. I colaboradus dal SaJ adöm a so consei aoda a düc en bel Nadé y en bun Ann Nö.

Ciasa de Palsa: al ven lascé alessi che le program dles ativites co ven fates tla Ciasa de Palsa é da ciagé sön la plata internet www.ciasadepalsa.it



A düc cane en bun Nadé con pêsce y ligeza tal cör

Döt le bun a: Trebo Rosa ved. Brandlechner * 23.12.1933
Jan Ellemunter * 24.12.1930

y a düc chi co á santennom y complesc i agn cöst'edema

Impressum: Ploania d'La Pli; redaziun Franz Rigo y Edith Willeit
Comunicaziuns cina al **dedemesaledema sera** a Franz Rigo: ☎ 0474 500978 o ✉ ploania@gmx.net
Download plata: www.unitepastorala.org



Plata dla Ploania La Pli de Mareo Santa Maria dal Bun Consei

Ploian: Signor Heinrich Perathoner
E-mail: ploania@gmx.net

Calogna Al Plan: 0474 501006
Radio de Ploania: 93,00 MhZ

UNITÉ PASTORALA



VAL BADIA
www.unitepastorala.org

Ann C

23.12.2018 - Cuarta domegna d'Advent

n. 4

Maria á dit: i sun la fancela dal Signur, al sozedi con me desche t'as dit. Alleluia!

☞ Mic 5, 1–4a | Ebr 10, 5–10 | Lc 1, 39–47

Dal Vangelo do San Lüca:

³⁹En chi dis s'á Maria motü sön tru y é jüda debota te na ciüté tles munts dla ludea. ⁴⁰Ara é jüda tla ciasa de Zacaría y á salüde Elisabeta. ⁴¹Canche Elisabeta á aldí le salüde de Maria, á le möt büsié te so gremo. Danló é Elisabeta gnüda emplida dal Spirit Sant ⁴²y á tlamé con usc sterscia: Benedida este tö danter les eres, y benedí é le früt de to corp. ⁴³Che sunse pa iu ch'al ven da me la oma de mio Signur? ⁴⁴Te chel momont, canch'i á aldí to salüde, á le möt büsié dala ligreza te mio corp. ⁴⁵Beata é chera, co á cordü ch'al s'adempliss ci che le Signur ti á lascé dí. ⁴⁶Danló á dit Maria: Mia anima lalda la grandeza dal Signur, ⁴⁷y mio spirit iubileia por Dio, mio salvatur.

Oraziun dal de - Madoines

Periun! Signur, nosc Dio, te cösta net santa nes lomina la derta löm: láscesse tó sö y contemplé cösc mistêr, cina ch'i ne podun odei deplen le lominus de tóa gloria tal ci.

Do cösc te periunse por nosc Signur Gejú Crist, to Fi, co é Dio y vir y regneia con te tl'unité dal Spirit Sant por düc i secui dai secui. – Amen.

(Lezionar C)



☞ Letöres dla Gran Festa de Nadé: **Is 52, 7–10 | Ebr 1, 1–6 | Jan 1, 1–18**

☞ Letöres dla festa dla Santa Familia:

1 Sam 1, 20–22.24–28 | 1 Jan 3, 1–2.21–24 | Lc 2, 41–52

Edema liturgica dai 23.12. ai 30.12.2018

DOM 23.	Cuarta domegna d'Advent	Jan da Cracau, Ivo
08:30	Rorate por l'Uniun dles Eres	♫ <i>cuartet de ei oferta por i debojügn dla ploania</i>
10:00	<i>Rorate a Al Plan</i>	
Lön 24.	VEIA DE NADÉ , Adam y Eva	
→ 07:00	Rorate por la pesc	♫ <i>La Musiga</i>
→ 22:45	musiga da Nadé sön ciampantin/te dlijia	♫ <i>La Musiga</i>
→ 23:30	Madoines y s.m. ciantada solena en onú y de ringraziament dla Sacra Familia	♫ <i>Karl Kempter „Pastoralmesse in G“</i>
Ded 25.	GRAN FESTA DAL NADÉ DE NOSC SIGNUR	
	<i>Anastasia, Manuel, Manuela,</i>	
08:30	gran messa ciantada solena por döta la ploania	♫ <i>Karl Kempter „Pastoralmesse in G“</i>
14:00	espi da festa y benedisciun eucaristica	
Dem 26.	FESTA de San Stefo pröm mártire , Stefania	
08:30	gran messa por † signor Merch Graffonara, ploan	♫ <i>Ciantadus</i>
Jöb 27.	festa de San Jan apostul y evangelist , Fabiola	
→ 07:30	s.m. sonada do int. dla Musiga, benedisciun dal vin	♫ <i>La Musiga</i>
Ven 28.	festa dai mituns inozonc da Betlehem, De fantú	
07:10	<i>s.m. a Al Plan</i>	
Sab 29.	<i>5° de d'otava da Nade Davide, Tomesc Becket, Lothar, Tamar</i>	
18:00	<i>s.m. prefestia a Al Plan</i>	
19:30	s.m. prefestia d'aniversar por † Heinrich Erlacher, Tomele	
	s.m. por †† Jan y Valeria Ellecosta, Gogn	
DOM 30.	FESTA DLA SANTA FAMILIA	Felix I., Richard
08:30	gran messa por döta la ploania	<i>offerta por i debojügn dla ploania</i>
10:00	<i>s.m. a Al Plan</i>	
<i>ampola:</i>	por fam. Jan y Teresa Taibon, La Pli	
<i>ministronc:</i>	▶ da doman y domegna: Valentina Willeit y Natalie Comploi ▶ da sera y domegna: Florian Rindler y Rudi Ellecosta	
<i>i recordun:</i>	Emma Pedevilla Trebo, Al Plan	+ 23.12.2008
	vesco Karl Golser	+ 25.12.2016
	Margherita Vollmann Mühlmann	+ 25.12.2009
	Heinrich Erlacher	+ 28.12.2010
	Margareth (Eta) Baldissera	+ 28.12.2017



Salt de ligreza, presenza de vita (Lc 1, 39–47)

I ponsi do

Maria é ejempl de na ciarité concreta: ara va a ciaté Elisabeta, por la daidé. Ara i porta na gran scincunda: Gejú, fontana de ligreza y de benedisciun, ince por la creatöra co cresc tal gremio de Elisabeta. Canch'al ven amé porton Chelbeldio ai atri, olá che an ô bun dán ennant ligreza y speranza. Olá ch'an vîr la solidarieté danló é Geju present: enló é l Nadé.

I preii ensciö

I te salüdi, Maria. Pói te dí „ciao“ deschi le diji ala oma, ai mi de familia, ai amisc? Canche i ponsi a te mo enmagineii che t'es lominosa, beliscima. T'es plena de grazia deache t'as le Signur pa te, y chi co vir te töa amizizia pó se sontí la porsona plü encontonta de cösta tera; desco tö, che t'es stada la era plü sciompla y ascognüda, y es sen la plü amada, conesciüda y envocada dala jont. Al é sté Gejú co t'á benedí, el co é le Sant de Dio. I te cherdun „Santa Maria“, y i ponsun che t'es na so. T'es „Oma de Dio“, y porchel ince nosta oma. Preia por nos, ch'i ne fajun nia dagnora ci co ti plej a to Fi Gejú. Recordete entrés de nos: sen ch'i sun jogn, canch'i sarun corsciüs y ince canche nosta vita jará cuntra la fin. Sce tö se stas dlungia n'aránse pora da nia, gnanca dla mort.

„Mach es wie Gott und werde Mensch“ – das ist der bleibende Auftrag von Weihnachten. Unsere Welt braucht auch an Weihnachten 2018 nur eines: Gott wird Mensch und der Mensch wird Mitmensch. Bischof Ivo



Un nuovo vicino di casa (Lc 1, 39–47)

Comprendo e medito

Dio non abita più solo il cielo, è inquilino della terra, vicino alle nostre case, partecipe della nostra esistenza. Uno con noi, uno di noi. Il Verbo, cioè la Sapienza e la Parola che è Dio, si è rivestito della carne mortale. La gioia di quest'oggi nasce da tale presenza e si diffonde per tutti i tempi e in tutti i luoghi. È Natale, da oggi non si può più disperare.

Prego così

Musiche soavi e cori di angeli hanno rivestito di magica atmosfera questa giornata. Luci e suoni l'hanno trasformata in un giorno da ricordare, pieno di doni e di auguri, di saluti e regali. E bello, Signore, che sia così, se tutto aiuta a capire che al centro ci sei tu. Ecco perché, tra questi suoni, vorrei anche sentire la tua voce di bambino che piange e che urla per il freddo e per la fatica di venire al mondo. Ricordandomi tutti coloro che soffrono per vivere. Tra queste luci, vorrei vedere quella vera che illumina ogni uomo, che entra nel cuore e si diffonde e dona pace. La luce della tua Parola e della fede, il dono più grande di ogni Natale. In tutti i presepi del mondo, che ti rappresentano bambino, possa scorgere e capire che tu non sei una statua o un simbolo, ma sei vivo, vero, qui, Dio con noi, Dio per noi.